

## Z městom jednać

**Wojerecy** (pi/SN). Předsydstwo župy „Handrij Zejler“ je na swojim wčerawšim posedženju Joachima Glücklicha, direktora Wojerowskeje Wyšeje šule „Na kromje města“, za kubłanskopolitiskeho poradźowarja wuzwoliło. Župan Marcel Brauman a Glücklich chćetaj z městom wo wjac cyłodnjowskich serbskich poskitkach na Wojerowskich šulach jednać. Župa je zwólniwa so na wuhotowanju praktisce wobdźeleć. Na dnjowym porjedže steješe tež prócowanje župy, w kooperaciji z Krabatowym młynom serbsku instituciju we Wojerecach zaměstnić: cyłoserbski centrum z kubłanskimi a dožiwjenskimi poskitkami za džěći z čezišćom aktiwneho nałožowanja serbšćiny. Župan informowaše wo „přěních pozitiwnych signalach do toho směra“.

Čłonka župneho předsydstwa a zapósłanča Serbskeho sejma Aneta Zahrodnikowa přepoda županej přeprošenje na přichodne posedženje sejma, kiž so 9. małego róžka we Wojerowskej kónčinje wotměje, zo by swoje ideje předstajić móhł. W přezjednosći ze župnym předsydstwom Brauman přeprošenje přiwza. Wšako je „Domowina domizna wšěch Serbow a w tym zmysle witamy w sejmje angažowanych do Wojerec“.